



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

Triples ordo hominum, qui à christiana religione probantur, Virginum,  
conlugatorum, coelibu[m] cap. I

**urn:nbn:de:hbz:466:1-30433**

# BERNARD

DINI SCARDÆONI PATAVI

NI PRESBYTERI DE

CASTITATE. *Capucinarum*  
*Paderbornensi*

LIBER PRIMVS.

DE SACRIS VIRGINIBVS.

Triples est ordo hominum : qui à Christiana religio  
ne probatur: Virginum, Coniugatorum, Cœs  
libum. Cap. primum.



V V M igitur de castitate dicere  
proposuerim, distinguendos quo  
dem primum pudicorum ordines  
censui, quo petulantissimus incon  
tinentium grex segregatus à bo  
nis, paratior nobis fieret, in quem  
iuste increpationis tela iaceremus;  
deinde de pudicitia omnium or  
dinum gradatum perpetua oratione differendum. Vni  
uersam ergo fidelium multitudinem in treis ueluti clas  
ses partiti sumus. Virginum, Coniugatorum, Cœli  
bum, Quarum duæ à uoluptate ueneris abstinere  
prorsus debent: tertia uero ea ipsa uenere ita perfruitur:  
ut quum legitime, moderateq; id agat, citra libidinis  
crimen faciat. Quicumque autem extra hos ordines  
profana licentia procliuus ad lasciuiam feruntur, hos li  
bidinosos iure dicimus, & impudicos: qui nisi a pec  
cato resipiscant suo, mox sunt cum impijs, & sceles **Cap. 14**  
ratis impudicitia suæ pœnas daturi: puniendiq; apud  
inferos supplicio sempiterno, Huic autem triplici dis

A iii



DE SACRIS VIRG.

inctioni uidetur mystica illa Ezechielis prophete uisio  
aptissime conuenire: qui in uniuersali orbis totius deua-  
statione, tres duntaxat uiros iustos ab ea calamitate libe-  
randos audiuisse se memorat. Noe, Daniele, Job.

Quid enim praefigurat Noe, qui in corruptione uni-  
uersae carnis solus ab ea sorde mundus, & arca clausus,  
& ab uxore se continens euasit uniuersale naufragium,  
nisi coelibum continentiam, quae a uulgari seclusa con-  
sortio, & arca pudoris obtecta quamuis inter saeuens  
tes tentationum procellas, iactetur, & periculo proxi-  
ma sit a carnis tamen naufragio diuina gratia praeserua-

tur. Quid uero per Daniele, cuius mira abstinens  
tia praedicatur, nisi uirgines designantur: qui, dum  
quae mundi sunt, contemnunt, neglecta Babilone, id  
est carnali delectatione, altius ascendunt, quam qui graui  
carnalium uoluptatum mole deprimuntur. Et quid  
per Job, nisi pudicorum conjugum uita monstratur:

qui res suas egenis pie dispartientes, per uarios muni-  
di, uitaeque tumultus, per laeta, & tristia, id est per gra-  
tularum actiones in prosperis, & patientiam in aduersis,

Matth. 13 iter sibi parant in coelum. Idem docet etiam illa euan-

gelica parabola seminis, ex quo in una eademque terra,  
triplici uarietate centesimus scilicet, & sexagesimus, ac  
trigesimus oritur fructus. Trigesimus quidem refertur  
ad conjugatos: sexagesimus ad continentes: centesimus  
uero uirginitatis excellentiam numero ampliore desi-

gnat. De hoc triplici genere (ut interpretatur Sedulius)  
inuuisse uidetur Apostolus in prioris epistola ad Corin-  
thios, quum dicat Dei aedificatio estis: & fundamentum  
aliud nemo potest ponere praeter id quod positum est,

qui est Christus Iesus. Si quis autem super aedificat super  
fundamentum hoc aurum, argentum, lapides pre-  
ciosos, ligna foenum stipulam, cuiusque opus manifestum  
erit. Per aurum autem intelligit penitentes, seu coelibes:

per argentum conjugatos: per lapides uero pra-



clofos uirginitatis præstantiam. E diuerso autem per  
 ligna dicit significari uirginitatem sed fatuam, & imper  
 fectam: per foenum rationale connubium, per stipu  
 lam, fictam pœnitentiam, & mendacem cœlibatum.  
 Huiusmodi etiam tripartitæ diuisionis figura in ea ipsa  
 Noe arca multo expressius continetur: in qua accurat  
 tissime trifida dominus facienda mandauit. Hoc est  
 tres descriptiones habitantium: infra scilicet, supra, &  
 in medio. Infima siquidem habitatio thalamum indi  
 cat conjugatorum, media uero demonstrat continen  
 tium sedem: suprema autem, quæ propinqua magis  
 cœlo est, uirginitatis solum præfiguratur. Hæc est tri  
 plex sanè totius humanæ uitæ distinctio sancta, & ap  
 probata diuinitus: quam Christianum, & catholicum  
 dogma, & omnis recte, honesteq; uiuendi disciplina  
 ita præscribit, & numerat, ut citra hos tres ordines ne  
 get quenquam posse alia uia saluari, & placere Deo.  
 Hic est ergo populus, qui saluatur, sed quia nõ est par  
 omnium præmium, nec idem in fide meritum, ideo  
 pro diuersitate officiorum erunt & in cœlo diuersæ  
 mansiones, secundum illud saluatoris nostri dicentis.  
 In domo patris mei mansiones multæ sunt. Verum  
 quum nobis de his tribus ordinibus hominum latius  
 differendum sit, iam adiutore Deo de uirginibus pri  
 mo dicere incipiamus.

1. Cor 3

Gene. 6

Ioan. 14

Qualis quantæq; præstantiæ sit castitas uir  
 ginalis. Cap. II.

**M**agna est profecto pudicitia conjugatorum,  
 quæ iuxta parabolam redemptoris trigessimam  
 rependit fructum: maior uero cœlibum conti  
 nentia, quæ sexagesimum: sed maxima omnium uir  
 ginitatis integritas, quæ reddit centesimum. Tenet  
 hæc omnis pudicitia principatum: tantoq; præstat  
 interuallo quanto sexaginta exuperant triginta: &  
 quanto rursus excellunt sexaginta, & triginta centum.

A liii